

NALUNAARUTIT - Grønlandsk Lovsamling

Serie C-II

14 NOV. 2014

ISUMAQATIGIISSUT

Naalakkersuisut, Finansministeriap aamma Sulinermik Inuus-
sutissarsiateqartut Kattuffiata akornanni Kiassaatilerisut, atuarfin-
ni suliffeqarfinnilu kiisalu inissiarsuarni nakkutilliisut sulisunik
siulersuisuunngitsut (pedelit viceværtillu) pillugit isumaqa-
tigiissut.

IMAASA NALUNAARSORSIMAFFIAT

Qupp. :

§ 1 Isumaqatigiissummi pineqartut.	3
§ 2 Suliffiup sivisussua.	3
§ 3 Akissarsiat.	4
§ 4 Soraarnerussutisiassanut akiliutissat taakkulu akilerneqartarneri.	4
§ 5 Ukiut suliffiit malillugit akissarsiat qaffakkiartortarneri.	5
§ 6 Suliartogquneqaratarsinnaanermut tapisiat.	6
§ 7 Ataasiakkaanut tapinut immikkoortitat.	7
§ 7 A Ilinniagaqarsimanermut tapit.	7
§ 8 Immikkut tapit.	7
§ 9 Atorfimmut immikkut ittumut tapit.	8
§ 10 Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiuutillu.	8
§ 11 Ineqarneq.	8
§ 12 Atorfininnermut atatillugu akiliunnegarlungi angalaneg.	9
§ 13 Sulinngiffeqarneq sulinngiffeqarnerisutillu.	10
§ 14 Napparsimaneq.	11
§ 15 Naartuneq, ernineq qitornavissiartaarnerlu.	12
§ 16 Meeqqap napparsimanerani ullormi siullermi sulinngiffeqarsinnaatitaaneq.	13
§ 17 Meeqqap napparsimanerani sulinngiffeqarnerit allat.	13
§ 18 Sulinngiffeqarnerit immikkut ittut allat.	14
§ 19 Sulinngiffeqartarnerit.	14
§ 20 Qinikkatut pisortanillu toqqakkatut suliassaqaartitaaneq. .	15
§ 21 Toqukkatut qimagaanersiuutit.	16
§ 22 Isumaqatigiinngissutit kinaassusersiortumillu soraarsitsinerit.	16

§ 23 Soraarniutegarneq/Soraarsitsineq.	16
§ 24 Kiassaatilerisut, atuarfinni suliffegarfinnilu kiisalu inissiarsuarni nakkutilliisut sulisunik siulersuisunngitsut (pedelit vicevartillu) nal. Akunnermusiallit.	17
§ 25 Akissarsiat katiternereri.	19
§ 26 Ikaarsaarnermi malittarisassat.	19
§ 27 Piffissaq isumaqatigiissutip atuuffia.	20

§ 1

Isumaqatigiisummi pineqartut.

Isumaqatigiisummi uani pineqarput kiassaatilerisut, atuarfinni suliffeqarfinnilu kiisalu inissiarsuarni nakkutilliisut sulisunik silersuisuunngitsut (pedelit viceværtillu), Kalaallit Nunaanni naalagaaffimmi, Namminersorlutik Oqartussani, Tele Greenland A/S-mi, A/S Inissiaatileqatigiiffik INI-mi aammalu kommunelu suliffillit, isumaqati-giissutinullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommunenillu soraarninngorsimasut aammalu suliffeqarfinni immikkut pisussaaffiligaasuni ittut isumaqatigiisummi uani ilaatinneqanngillat.

§ 2

Suliffiup sivilisussusia.

Nalinginnaasumik piffissaq suliffissaq sapaatip akunneranut nal. akunnerinik 40-nik sivilisussuseqarpoq, agguaqatigiisillugu qaammammut nal. akunnerinut 173 1/3-inut naapertuuttumik. Piffissap suliffiususap tamarmiusup qaqugukkut inissisimanissaa sulisitsisumit sulisoq oqaloqatigereerlugu aalajangerneqassaaq.

Imm. 2. Ullormut piffissap suliffiususap iluani sulinngitsoornerit akissarsianit ilanngaatigineqartassapput sulinngitsoornermi akissarsissaraluit amerlaqataannik. Nal.akunnera sulinngitsoorfik nalilernerneqartassaaq atorfillip nal.akunnermusiarisartagaatut annerutigisumik, nal.akunneranut tapiujunnartut ilan-ngullugit. Nal.akunnerata affaa tikillugu sulinngitsoorneq nal.-akunnerata affaatut naatsorsorneqartassaaq.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaatorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiususaaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-illi nal. 08.00-illu akornanni piffissaq angalaffik piffissatut suliffittut naatsorsuunneqassanngilaq.

§ 3

Akissarsiat.

Kiassaatilerisut, atuarfinni suliffeqarfinnilu kiisalu inissi-arsuarni nakkutilliisut (ilinniagaqanngitsut) skalat nikeriarfiini ataani taaneqartut imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
12	1	1.-2.	16.611,63	16.784,27	17.036,03	17.263,33
13	2	3.-4.	16.777,03	16.949,67	17.201,43	17.428,73
14	3	5.-6.	16.946,99	17.119,63	17.371,39	17.598,70
15	4	7.-8.	17.121,61	17.294,25	17.546,01	17.773,32
16	5	9. amerlanerillu	17.255,08	17.427,71	17.679,48	17.906,78

Imm. 2. Kiassaatilerisut, atuarfinni suliffeqarfinnilu kiisalu inissiarsuarni nakkutilliisut (ilinniagallit) skalat nikeriarfiini ataani taaneqartut imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
15	1	1.-2.	17.121,61	17.294,25	17.546,01	17.773,32
16	2	3.-4.	17.255,08	17.427,71	17.679,48	17.906,78
17	3	5.-6.	17.439,50	17.612,14	17.863,90	18.091,21
18	4	7.-8.	17.629,07	17.801,71	18.053,47	18.280,78
19	5	9. amerlanerillu	17.754,97	17.927,60	18.179,37	18.406,67

§ 4

**Soraarnerussutisiassanut akiliutissat
taakkulu akilerneqartarneri.**

Isumagatigiissut malillugu sulisup 20-nik ukioqalereersimasumut

soraarnerussutisiaqalernissaanut isumaqatigiisummi matumani akissarsiat paragrafini tunngaviusumik akissarsiat taaneqartut 10,20%-tii sulisitsisup akilertassavai. Akiliutigineqartup agguataarlugu sulisitsisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aqqissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiutisiaqartinneqassanngilaq.

§ 5

Ukiut suliffiit malillugit akissarsiat qaffakkiartortarneri.

Ukiut suliffiit malillugit akissarsiat qaffakkiartortarneri aalajangersarneqartassapput piffissaq pineqartup suliamik assigiimmik suliffia aallaavigalugu.

Imm. 2. Ukiut suliffiit malillugit akissarsiat qaffakkiartortarneri tamatigit qaammatinut ilivitsunut nalimmassarneqartassapput ullut 15 taakkuluunniit ataallugit sulisimanerit naatsorsuutigineqassanatik.

Imm. 3. Sap.akunnerannut agguaqatigiisillugu nal. akunneri 15-nit sinnerlugit suliffiuppata tamakkiisumik akissarsiat qaffakkiartortarnerinik pissarsisoqassaaq. Sap.akunneranut agguaqatigiisillugu nal.akunneri 15-init ikinnerit suliffiuppata akissarsiat qaffakkiartortarnerannik piffissamut suliffimmut naapertuuttunik pissarsisoqassaaq.

Imm. 4. Malittarisassanit siuliani taaneqartunit qaffasinnerusumik inissiisoqarsinnaavoq naatsorsuutigineqarpat siusinnerusukkut allamik suliaqarsimanerup malitsigisinnaagaa sulisut isumaqatigiisummi pineqartut suliaasaannik sukkanerusumik ilikkagaqarnissaq.

§ 6

Suliartoqqunegaratarsinnaanermut tapisiat.

Qaangiuttoorluni, piffissami nikerartumi imaluunniit sapaatini nalliuttunilu sulinerit akissarsiaqaataasassanngillat, kiassaatilerisunut, atuarfinni suliffegarfinnilu kiisalu inissiarsuarni nakkutilliisunut qaangiuttoornermik, piffissami nikerartumi imaluunniit sapaatini nalliuttunilu annertuumik suliagartarnissaannik naatsorsuutigisari-aqartunut sukkulluunniit suliartoqqunegaratarsinnaanermut tapisiaqartitsisoqarsinnaavoq qaammammut 1.450,00 kr.-inik imaluunniit 1.950,00 kr.-inik.

Imm. 2. Suliartoqqunegaratarsinnaanermut tapisiaq imm. 1-imi taaneqartoq immikkut pissutissaqartillugu isumaqatigiissutillit isumaqatigiinniareernerisigut qaammammut 2.375,00 kr.-inut imaluunniit 2.815,00 kr.-inut qaffanneqarsinnaavoq.

Imm. 3. Isumaqatigiinniareernikkut atorfirmut atatillugu suliartoqqunegaratarsinnaanermut tapisiamik aalajangersaasoqarpat atorfiup inuttaleqqinnerani tamanna isumaqatigiinniutigineqagqissanngilaq atorfiup imaa allanngunngippat.

Imm. 4. Kiassaatilerisunut aamma pedel-inut vicevært-inullu A/S Inis-siaatileqatigiiffiik INI-imi sulisunut qaangiuttoorluni, piffissami nikerartumi imaluunniit sapaatini nalliuttunilu sulinerit akissarsiaqaataasassanngillat, aammalu qaangiuttoornermut taarsiullugu sulinngiffegartoqarsinnaanngilaq. Suliartoqqunegaratarsinnaanermut tapit ataani immikkoortitaartut atuupput:

- 1) 0 - 99 Inissiat kr. 1.050,00 qaammammut
- 2) 100 - 199 Inissiat kr. 1.550,00 qaammammut
- 3) 200 - 299 Inissiat kr. 1.975,00 qaammammut
- 4) 300 - 399 Inissiat kr. 2.415,00 qaammammut
- 5) 400 - 499 Inissiat kr. 2.840,00 qaammammut
- 6) 500 - 600 Inissiat kr. 3.280,00 qaammammut

Imm. 5 Kiassaatilerisut, pedellit viceværtillu 31. marts 1999 killigalugu A/S Inissiaatilegatigiiffik INI-imi atorfeqartut suliatogqunegaratarsinnaanermut tapisiaq piginnassavaat imm. 4 malillugu minnerulissagaluarpat

§ 7

Ataasiakkaanut tapinut immikkoortitat.

Sulisut 1. april 2014-mi inunntut ataasiakkaanut tapisiallit nammineq tapisiatut sulionnaarnissap tungaanut tapisariinnassavaat.

§ 7 A

Ilinniagaqarsimanermut tapit.

Sulisut suliamik ilinniagallit tassaasut:

- a) sanasut
- b) galipaasut
- c) elektrikerit
- d) VVS-ilerisut
- e) nunagarfinni assassorlutik sulisut
- 6) suliamut ilinniakkamut naapertuuttoq
(sulisitsisup naliligaa)
- 7) Ilinniarsimanngitsut suliamut sungiussisimalluartut
(sulisitsisup naliligaa)

immikkut tapisiaqartinneqassapput qaammammut 1.000 kr.-nik.

§ 8

Immikkut tapit.

Sulisut inissiarsuarni errorsisarfinnik nakkutilliisut immikkut tapisiaqartinneqassapput:

- | | |
|----------------------------|-------------------------|
| a) errorsisarfik ataaseq | 500,00 kr. qaammammut |
| b) errorsisarfiit marluk | 1.000,00 kr. qaammammut |
| c) errorsisarfiit pingasut | 1.500,00 kr. qaammammut |

§ 9

Atorfimmut immikkut ittumut tapit.

§ 3-mi akissarsiat taaneqartut nalinginaasumik piumasagaatitarisaanut il.il. ilaanngitsunik suliatigut, allaffissornikkut, pisinnaasariaqartutigut allatigulluunniit imikkut inissisimasunik atorfinitsistsisoqartillugu, akissarsianut tapit atugassarititaajunnartullu allat pillugit isumaqatigiissuteqartut akornanni immikkut isumaqatigiissuteqartoqassaaq.

§ 10

**Sulinermut atatillugu angalanerni saniatigut
aningsaasartuutaasartut, tassunga ilanngullugit ullormusiat,
unnuinermusiat (akunnittarfinmiinnermut atugassat)
atortussarsiutillu.**

Sulisut angerlarsimaffittut najukkamik avataannut suliaritoriallartitaasut aningaasanik pissarsiassaqaartinneqassapput malittarisassat tjenestemandinut Namminersorlutik Oqartussani kommunenilu sulisunut atuuttut naapertorlugit, taakkulu immikkut takussutissiami takuneqarsinnaapput.

§ 11

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmuut atatillugu pisussaaffeqartoq suliffimmuut atatillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najugariumann-gippagu, inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersuunnegartunut ineqarnermut akiliuteqartartassaag Kalaallit Nunaanni Namminersorlutik Oqartussat kommunellu inissiaataanni ineqarnermut akiliuteqartarnermut malittarisassat qagugukkulluunniit atuuttut naapertorlugit. Inissiamik innersuunnegartumik sumiginnaasoqarpat anisitaanermik kingunegartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu atorfimmut atatillugu inigisassaataasumik ineqarnermut akiliuteqartassapput maleruagassat tjenestemandinut Namminersorlutik Oqartussani kommunenilu sulisunut qagugukkulluunniit atuuttut naapertorlugit, taakkulu immikkut takussutissiami takunegarsinnaapput.

§ 12

Atorfininnermut atatillugu akiliunneqarluni angalaneg.

Atorfininnermi Danmarkimi Kalaallit Nunaanniluunniit angerlarsimafiup suliffegarfigisallu akornanni akiliunneqarluni angalattisisoqassaag inuttassarsiuussilluni allagarsiuusaaq naapertorlugu inissaqartittisoqarpat imaluunniit atorfimmut atatillugu inigisassaataasumik najugaqarnissaq pisussaaffiuppat, tak. § 11, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinnegarput atorfillip aappaa - katissimanngikkaluarluguluunniit inooqatigisaa kiisalu meeqqat 18 inorlugit ukiullit. Taama ilaqutariit akiliunneqarlutik angalanerat sapingisamik ataatsimoorluni ingerlaniarneqartassaag.

Imm. 3. Taama akiliunneqarluni atorfininnermi angalaneg inummut namminermuinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaanngilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunnegartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneg ilaagaangat taamaallaat matussuserneqarsinnaapput najugarisap nunallu immikkoortuani mittarfiup akornanni angallassissutit atorlugit akikinnerpaamik angallanneqarnermut aningaasartuutit uppernarsarneqarsinnaasut. Sutigut allatigut tamatigut matussuserneqartassapput Kastrup-ip mittarfiata allallu akornanni tamanut angallassissutit atorlugit angallanneqarnermut akikinnerpaamut aningaasartuutit.

Imm. 6. Københavnimiinnermi aningaasartuutaajunnartut atorfillip nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutit uppernarsarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommunenilu atorfilinut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 13

Sulinngiffeqarneq sulinngiffeqarnerstiutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarnerisiuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiit amerlassusii naapertorlugit aningaasarsiat ilanngaaffigineqassapput. Sulinngiffeqarnerisiutit ukiumut aningaasarsiarisimasanut naatsorsorneqassapput.

Imm. 3. Soraarnermi aningaasarsiat 12½ %-ii sulinngiffeqarnerisiutisatut tunniunneqassapput.

Imm. 4. Sulinngiffeqarnermi aningaasanik pisassanik piumasagarneq sulisitsisumut saqqummiunneqassaaq ukiup sulinngiffeqarfissaasimasup qaangiutereernerani kingusinnerpaamilli qaammatit pingasut qaangiutsinnagit. Taamaanngippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqatigiisummut tapiliusaaq.

§ 14

Napparsimaneq.

Sulisooq napparsimanini pissutigalugu sulisinnaanngippat, taassuma kinguneranik sulinnginneq inatsisunik unioqqutitsinani sulinnginnertut isigineqassaaq, sulisooq sulinermini piaaraluni mianersuaalliorujussuarluniluunniit napparsimalersimanngippat imaluunniit atorfininnermi salloqittaalluni napparsimanini nipangiusimasimanngippagu.

Imm. 2. Sulisooq qaammatini tulleriiginnarni aqqaneq marlunni kattillugit ullut 120-ini napparsimanermini akissarsiaqarsimappat, qaammatip naaneranut imatut siumut ilisimatitsererluni soraarsitsisooqarsinnaavoq:

Suliffeqarfimmi ataatsimi;

- ukiuni 0 - 5 atorfeqareernermi: qaammat ataaseq
- ukiuni 6 - 8 atorfeqareernermi: qaammatit pingasut
- ukiuni 9 - sivisunerusumillu atorfeqareernermi: qaammatit sisamat.

Soraarsitsinerup atuutitinnegarnissaanut piumasaqaataavoq ullut napparsimaffiit 120-it taakku naanerannut atatillugu soraarsitsisoqassooq aammalu inuk pineqartoq sulii napparsimatilluugu, kisiannili atuutitinnegarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 3. Kisiannili imm. 2-mi aalajangersagaq malillugu atorfeqarnermit soraarsitsisoqarsimappat, atorfinitsitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 4. Napparsimaneq nakorsap uppersarsaaneeratigut uppersarsarneqarnissaa piumasarineqarsinnaavoq.

Imm. 5. Nakorsat uppersarsaataat imm. 4 malillugu piumasarineqartut sulusitsisumit akilerneqassapput.

§ 15

Naartuneg, ernineq qitornavissiarthaarnerlu.

Sulisut il.il. sulinngiffeqarsinnaatitaapput, naartunermi, ernereernerup kingorna qitornavissiarthaarnermilu Inatsisartut inatsisaat qaqugumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulusooq akissarsiani piginnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akissarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erminissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	

§ 16

**Meeqqap napparsimanerani ullormi siullermi
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleg,
- b) meeqqap atugarisai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajor-nanngippat,
- d) meeraq angerlarsimappat.

Imm. 3. Ullut napparsimaffiit nalunaarsornerat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqgissuussineq atornerluinermi sulisunut ataasiakkaanut atortussaajunnaarsinneqarsinnaavoq.

§ 17

Meeqqap napparsimanerani sulinngiffeqarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnis-saqarfiup akiligaanik illoqarfinnut allanut ingialluinerani, meeqqal-lu uninnganerata nalaani ullut 12 tikillugit akissarsiani nalingin-naasut piginnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataan-issaa ingiallortaanissaalu nakorsamit uppersarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqar-sinnaavoq meeqqap angerlasimaffimmini innangatinneqarnissaa nakorsa-mit innersuunneqarpat/uppersarsarneqarpat.

Imm. 4. Immikkut illuinnartumik pissutissaqartillugu nakorsamillu up-
pernarsarneqarpat sulinngiffeqarneq sivitsorneqarsinnaavoq ullut 5
tikillugit.

§ 18

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit
ilisaanerini atorfilik ukioq ataaseq atorfeqarsimaguni akiliun-
neqarluni angalasinnaatitaavoq sulinngiffeqarsinnaatitaallunilu
ilaquttat qanigisat napparsimaruloortillugit aamma/imaluunniit
ilisaanerinit atatillugit akiliunneqarluni angalasarnerit sulin-
ngiffeqartarnerillu pillugit malittarisassat qaqugukkulluunniit Ka-
laallit Nunaanni tjestemandinut atuuttut naapertorlugit, taakkulu
immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik
qinnuteqaat sulisitsisumut allaganngorlugu tunniunneqassaag.

Imm. 3. Ilaquttat qanigisat tassaapput: angajoqqaat, aappat
taamaattutullu naatsorsuussat, qitornat qatanngutillu, kisianni aap-
pap ilaqutai taamaattutullu naatsorsuussat pinnagit.

§ 19

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulin-
ngiffeqarsinnaatitaavoq, ullutut nalliuttutut uku naatsorsuunneqassap-
put:

- a) ilagiit Lutherikkut nalliuttui,
- b) juulliarag,
- c) ukiutoqag,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 20

Qinikkatut pisortanillu toqqakkatut suliaasaqartitaaneq.

Isumaqatigiissut una naapertorlugu atorfillit qinikkatut pisortanillu suliaasaqartitaanerit pillugit Namminersornerullutik Oqartussat qinikkatut pisortanillu toqqakkatut suliaaqarneq pillugu nalunaarutaat nr. 5, 15. marts 1994-meersoq naapertorlugu sulinissaminnut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiuttoornersiaqarfissaq sioqqullugu pisoq sumiginnaanertut isigineqassanngilaq. Suliffimmiit qimagusimanissaq sapinggisamik sioqqutsilluarluni sulisitsisumut nalunaarutigineqassaaq.

Imm. 3. Pisortanit suliaasaqartitaaffinni allani SIK-p immikkoortortaqaarfiini siulersuisunut, SIK-p inuusuttaani siulersuisunut aammaalu SIK-p siulersuisuunerinut ilaasortat, pisortat oqartussaasoqarfiinit piумaffigineqarneq tunngavigalugu ilaasortaaffiginegartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini ilaasortat, ataatsimeersuarnerni, nakkutilliisoqarfegarnerani peqataanermut atatillugu SIK-p siulersuisuunerinut aamma SIK-p Inuusuttaisa siulersuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqaarfiini siulersuisut, SIK-p siulersuisuunerini aamma SIK-p Inuusuttaisa siulersuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 21

Toqukkut qimagaanersiutit.

Sulisog atorfeqarnermi nalaani toqusimappat aappaanut imaluunniit qitornaanut 18 inorlugit ukiulinnut qimagaasunut toqusup pilersugas-sarisimasaanut qimagaanersiutit ataani allassimasut naapertorlugit tunniunneqassapput:

Atorfeqar-

figisami ukioq 1 sulisimaguni.....: Qaam. 1 akissarsiat
- ukiut 2: Qaam. 2 akissarsiat
- ukiut 3 amerlanernilu.....: Qaam. 3 akissarsiat

§ 22

Isumaqatigiinngissutit

kinaassusersiortumillu soraarsitsinerit.

Isumaqatigiinngissutit suliarineqartassapput aaqqiagiinngissutit suliarineqartarnissaannik tunngaviusumik isumaqatigiisummi aalajangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Tamanna pil-lugu apeqqutit aaqqiagiinngissutit suliarineqartarnissaannik tunng-aviusumik isumaqatigiisummi aalajangersakkat naapertorlugit suliarineqartassapput.

§ 23

Soraarniuteqarnek/Soraarsitsineq.

Atorfeqarnermi qaammatini pingasuni siullerni siumut nalunaaruteqarluni soraarsitsineri uku atuupput: Sulisitsisoq sulisorlu ullunik arfineq pingasunik (ullunik suliffinnik tallimanik) siumut nalunaaruteqarlutik ullormut sumulluunniit soraarsitsinnaavoq soraarsinnaal-lunilu.

Imm. 2. Qaammatini pingasuni atorfeqareermermi sulisitsisup tungaani-it imatut siumut ilisimatitsererluni soraarsitsisoqarsinnaavoq:

- Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- Atorfininnerup kingorna qaammatti arfinillit kingorna qaammatinik pingasunik ilisimatitsererluni qaammatip naaneranut
- Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Qaammatini pingasuni atorfeqareernermit sulisoq siumut ilisimatitsererluni soraarsinnaavoq:

- qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 24

Kiassaatilerisut, atuarfinni suliffeqarfinnilu kiisalu inissiarsuarni nakkutilliisut sulisunik siulersuisunngitsut (pedelit viceværtillu) nal. Akunnermusiallit.

Kiassaatilerisut, atuarfinni suliffeqarfinnilu kiisalu inissiarsuarni nakkutilliisut sulisunik siulersuisunngitsut (pedelit, viceværtillu) atorfeqalivinnissaq siunertarinagu, kisiannili sulingiffeqarnermi, napparsimasoqarnerani assigisaannilu taartaasussatut, imaluunniit allamik suliaqarallarnissamat qaammatit pingasut inorlugit sulisinneqartussat, nal. akunnermusialerlugit atorfinit sinneqartassapput. Qaammatit pingasut sinnerlugit sulereernermit pineqartoq qaammammusi-aqalersinneqassaaq, taamaattorli sulisartup kissaatigiguniuk naluna-aquttap akunnermusiaqaannarsinaavoq. Nal. akunnermusiaq naatsorsorneqartassaaq § 3 naapertorlugu pineqartup qanoq sivilutigisumik sulisi-manera tunngavigalugu ukiumut akissarsiaasa 1/2080-iannik angissu-silerlugu.

Imm. 2. Kiassaatilerisut il.il. nal. akunnermusiallit atorfeqartitaanerat siumut ilimasaarutegaqqaarani atorunnaarsinneqarsinnaapput. Napparsimaneq erninerlu pissutigalugit kiassaatilerisut il.il. sulinngitsut akissarsiaqartinneqassanngillat.

Imm. 3. Kiassaatilerisut il.il. nal. akunnermusiallit pisinnaatitaapput pisussaaffeqarlutillu ullut 6-t sulereernerit tamaasa ullormik sulinngiffeqarnissamut; taamaattorli ullut sulinngiffissat ataasiakkaatigut piffissamut allamut nuunneqarsinnaapput sulianut tunngasut tamanna pisariaqartikkaangassuk.

Imm. 4. Kiassaatilerisut il.il. nal. akunnermusiallit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa 2-t naaneranni sapaat ilanngullugu.

Imm. 5. Kiassaatilerisut il.il. nal. akunnermusiallit feriernersiutissaattut akissarsiaasa 12½ %-ii katersorneqartarput.

Imm. 6. Kiassaatilerisut il.il. nal. akunnermusiallit akissarsiassaat qanoq sivilisutigisumik sulisimanagerat aallaavigalugu naatsorsorneqartassaaq § 5-imi, immikkoortuni 1-imiit 4-mut maleruagassat naapertorlugit. Nal. akunnermusiaqarluni sulinerup nalaani qanoq sivilisutigisumik sulisimaneq aallaavigalugu akissarsiaqartitsineq allamik ilaneqarsinnaanngilaq.

Imm. 7. Isumaqatigiisummi matumani §-ini 14, 15, 21 aamma 22-imi aalajangersakkat sulisunut nal. akunnermusialinnut atuutinngillat.

§ 25

Akissarsiat katiternerri.

Akissarsiat § 3-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapi-liussamik. Tunngaviusumik akissarsianut tapiliusseq 1. april 2000 16,4789%-iulluni. Skala-mi akissarsiat iluarsiiissutitaqanngitsumik koruuninngorlugu tapiliussamik qaffaavigineqassapput ataanni qaffa-atit allassimasut najoqqutaralugit:

01.04.14	ukiumut	
159,69	1.916,28	
01.04.15		
172,64	2.071,68	
01.04.16		
251,76	3.021,12	
01.04.17		
227,30	2.727,60	

§ 26

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taa-neqartumi § 14, imm. 1, "sulinnigiffeqarnerit immikkut ittut allat"-mi malittarisassaq atuutiinnassaaq.

§ 27

Piffissaq isumaqatigiissutip atuuffia.

Isumaqatigiissut una 1. april 2014 atuutilerpoq. Isumaqatigiissut il-luatungeriinnit tamanit qaammatinik 3-nik siumut ilimasaaruteqarnik-kut 31. marts-imut taamaattorli siusinnerpaamik marts-ip 31.-ani 2018-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutsamik isu-maqatigiissuteqarfissap tungaanut akissarsiat marts-ip 31.-ani 2018 atuuttut malillugit akissarsiaqartitsisoqassaaq.

Nuummi, ulloq 14 NOV. 2014

Sulinermik Inuussutissarsiateqartut

Kattuffiat



Jess G. Berthelsen

Naalakkersuisut

n.s.




Frederik Møller

Finansministeriet

P.M.V.

E.b.



Eva Hoff Sonne

Taamalu isumaqatigiissut 21. marts 2013-meersoq atorunnaarpoq.